



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt XVII. Idem Archiepiscopo (a) Senonensi.

---

[urn:nbn:de:hbz:466:1-74526](#)

venia, juxta textum in l. 1. ff. de iure delib. Facit textus in l. quæsum 13. ff. de testibus. Unde Episcopio arbitrio relinquunt utrum beneficium sit sufficiens, platon. docent Salcedo in præs. c. 18 n. 4. Parvus ab. 2. de refug. benef. q. 6. n. 13. Episcopus enim habita ratione qualitatis personæ ordinandi, & regionis, debet exiguum, vel congruum beneficium admittere, vel rejicere, ita ut beneficium sufficiens sit ad victimam, ut ordinatus mendicare non cogatur. Item cognoscere debet, an beneficium pacifice possidetur, nec ulla con-

troversia juris, vel facti, sive in judicio, sive extra contra possessorem sit mota, juxta Trident. d. sess. 21. c. 2. docent late Barbola ibi, Salcedo supra, n. 6. qui etiam probant hujusmodi beneficium debere esse perpetuum, ne si postea deficiat, clericus ita ordinatus mendicare cogatur: unde latè disputant, an ad titulum pensionis, capellaniae, & coadjutoriae possit quis ad sacros ordines promoveri? In quibus, & similibus questionibus videndi sunt ipsi, & alii congesti in cap. 4. hoc tū. ubi commentarium hujus textus adduximus.

## CAPVT XVII.

Idem Archiepiscopo (a) Senonensi.

Intra cætera, quibus ad universalem Ecclesiæ gubernationem instruimur, ille, Icujus gratia, non meritum nostrum ad ejusdem regimen nos provexit, mirum, & mirabile nobis suæ benignitatis reliquit exemplum: in eo videlicet, quod sicut de beato Petro, cuius sumus (licet immeriti) successores, à Dominō factum esse videamus, infirma mundi elegit, ut fortia quæque confunderet, misericorditer prævidens, quod qui sacerdotalium pondus ante suam vocationem sustinuerat passionum, fragilitatem humanæ conditionis expertus, fratribus suis melius compati sciret, & commodius misereri, dum sibi conscius, de se haberet evidens in similibus argumentum. Hæc verò ante nostros oculos proponentes, postquam dilectus filius noster magister P. de Cassaneto seriem negotiū sui nobis exposuit, paternâ luper eum moti suū pietate: cuius factum cum ex certitudine rei, quam nos, dum olim minori fungeremur officio, tractaveramus, in parte plenioris fidei testimoniū adjuvaret, ad succurrentē ei, & labores ipsius inutiles relevandos, animi studium solitiores afflūpsimus: ne miseranda ipsius afflictio, quæ jam ei perplexitatem dubiam minabatur, Sedem Apostolicam expertem esse solita misericordiæ, ac remediū debiti causaretur. Tibi siquidem satis credimus esse notum, qualiter facta resignatione à dilecto filio V. de Bochar, in quodam Canonico Laudunensi, de præbenda ejusdem Ecclesiæ, quæ per communionem præbendarum dilecto filio H. tunc Siclinensi Canonico, à bonæ memoriæ N. Decano Rhemensi, (b) auctoritate Apostolica assignari debebat, prædictus Magister per venerabilem fratrem nostrum N. Laudum. Episcopum de præbenda fuit investitus eadem, & tam in Choro, quam in capitulo per dilectos filios N. Decanum, & Canonicos Laudum. adhibitis solennitatibus debitibus, iuxta Laudunensis Ecclesiæ consuetudinem institutus. Super quo cum inter ipsum, & dictum N. controversia suborta fuisset, & appellatio ad Sedem Apostolicam interjecta, licet idem Magister cum magnis laboribus, & expensis ad eandem Sedem accedens, post diutinam expectationem, quæ sub intemperie periculosi temporis imminentie ipsum tedium multo, & diversarum persecutionibus incommoditatum affectum ferè usque ad extrema deduxit, suum negotium contra memoratum N. pro suo desiderio complevisset; eo tamen postmodum causâ infirmitatis absente, ad instantiam sacerdoti H. tunc ad Apostolicam Sedem præsentis, per bonæ memoriæ C. prædecessorem nostrum, de fratum consilio omnium retractata fuere. Sicque ipse Magister sua spe (c) frustratus omnino, post destitutionem suam Sedem Apostolicam fuit iterum adire coactus, nullum sibi videns remedium superesse, nisi ejus desolationi multiplici Sedes Apostolica duceret misericorditer providendum. Propter hæc igitur, & alia multa, quæ causam ejus favabilem reddiderunt, nos circa ipsum paternum gerentes effectum, prædictis N. Decano, & Canonicis Laudum, mandando distretè præcipimus, ut eundem Magistrum, qui per dictum Episcopum in eorum Ecclesia institutus fuisse dignoscitur, & per ipsos in fratrem admissus, salvo eo, quod de præfato N. Sedes Apostolica sententialiter diffinivit, non obstante contradictione, vel appellatione cuiuslibet, Canonicum habeant, tam in Choro, quam in Capitulo, & in aliis, quæ ad Canonicum pertinent, fraterna cum charitate tractantes. Præterea ipsis firmius inhibemus, ne aliquem in Canonicum recipere aliquo modo præsumant, donec antedictus Magister præbenda beneficium in præfata Ecclesia plenariè sit adeptus. Unde fraternici tuæ per Apostolica scripta præcipiendo mandamus, quatenus memorati

D. D. Gonzal. in Decreta. Tom. III. Pars I.

N;

N. D.

## In Librum III. Decretalium,

N. Decanus, & Canonici mandatum nostrum neglexerint adimplere, tu eos ad receptionem ejus (prout dictum est) faciendam, sublato appellationis obstaculo, per distinctionem ecclesiasticam, monitione tamen praemissa, compellere non oportet, quoslibet qui mandato Apostolico se duxerint opponendos, eadem censura compescens. Noveris autem, quod quia nolumus ut idem Episcopus occasione alicujus promissionis, seu cuiuslibet auctoritate rescripti à Sede Apostolica imprestiti, ad eludendum mandatum nostrum se valeat excusare, ipsi districte præcipimus, ut donec idem Magister in eadem Ecclesia fuerit præbendæ beneficium afferatus, nulli alii præbendam modo quilibet assignare præsumat. Quod si forte præsumperit, id irritum decernimus penitus, & inane. Dicit enim, ut quia præbendam ei, quam de jure non potuit, assignavit, eam, quam de jure potest, assignet, ne præbendam illi fraudulenter visus sit assignasse. Datum Romæ apud S. Petrum X. Kal. Maji, Pontificatus nostri anno I.

## NOTÆ.

(a) **S**euonensi. ] Ita etiam legitur in tercia collectione, sub hoc ut. cap. 3. & in epistolis editis à Sireto, fol. 49. ex quo codice restituimus hujus textus: casus autem ita contigit, Guillelmus, & Hugo, unus Ecclesie Laudunensis, alter Sicliniensis, coram Cœlestino III. animo permutandi præbendas, eas resignarunt in manibus ipsius. Cœlestinus eorum petitioni annuens, iussit Decano Rhenensi, ut præbendam Guillelmi Hugoni conferret, & vicissim Hugo Guillelmi; sed antequam Decanus id adimpleret, Episcopus Laudunensis præbendam Guillelmi contulit Petro talis resignationis ignaro,

qui cum ceteris Canonice consedit in Choro, & Capitulo: sed cum Cœlestinus hanc collationem irritasset, conqueritus Petrus coram eo de illusione Episcopi, quia ignatus resignationis deceptus fuerat, iussit Alexander III. Episcopo Lanunensi, ut præbendam proxime vacaturam, quam de jure possit, Petro conferret.

(b) **Auctoritate Apostolica.** ] Unde talis communicatione admitti poterat, cum præcessisset Pontificis auctoritas; licet aliter textum huic accipiat Co-var. lib. 1. var. cap. 5. num. 5.

(c) **Sua pœnæfrustratus.** ] Quam rationem ad feuda, & Indorum Commendas protrogas, illustrat Solorzanus tom. 2. de jure Indiar. lib. 3. cap. 9. num. 32.

## CAPVT XVIII.

Idem Episcopo & Cantori (a) Tornacensi.

**C**um jam dudum. (b) **Ei infra:** Verum quoniam ab R. Siclinensi Canonico, I. de Bithinia quædam objecta fuere, multitudo videlicet tam dignitatum, quam etiam præbendarum, ambitionis, & avaritiae vitium, cui nondum finem imponens, contra distinctionis nostræ tenorem, & (d) Lateranensis Concilii statuta, ad obtinendam Praeposituram Siclunen. le ingerit, & ingessit; & quod die (e) intrusionis suæ ante (f) confirmationem præsumperit ministrare, sicut & post confirmationem casfatam. Mandamus, quatenus si inveneritis prædictum I. habere plures alias dignitates, atque præbendas, aut aliquid aliud præmissorum, quod ad cassationem ejus sufficiat, inveneritis esse verum: ei luper jam dicta Praepositura silentium imponatis, ab impetritione Siclunen. Ecclesiam absolventes, cum multa per patientiam (g) tolerentur, quæ si deduceta fuerint in judicium, exigente justitia non debant tolerari.

## NOTÆ.

(a) **T**ornacensi. ] Ita etiam legitur in tercia collectione, sub hoc ut. c. 4. De Tornacensi Ecclesia nonnulla notavi in cap. eam te 7. de rescript.

(b) **Ei infra.** ] Epistola hac non reperitur inter editas à Guillelmo Sireto, & Bosqueto, qui spectat ad librum 3. epistolarum Innocent. II. quam adhuc præ manibus non habuimus. Casus autem presentis litis ita contigit, Mathildis filia Alfonsi I. Regis Portugalæ præmortuo marito Philippo I. Flandria Comite in Syria, retinuit Sicliniente territorium jure dotalium, cum jure patronatus, quod Comes Flandriae habebat in Ecclesia Siclinensi: unde defuncto Praeposito illius Ecclesie, elegit in ejus locum quendam clericum procuratorem suum: quem non solum

Siclinenses Canonici non admiserunt, verum & elegerunt Joannem, quem in possessionem Praepositura induxerunt, Mathildis appellavit ad Innocentium, à quo cum causa fuisse commissa certis judicibus, coram eis varia objecta fuerunt prædicto Joanni, videlicet plures præbendas habere malo more, & corruptio quinque electoribus admissum fuisse: quibus cognitis Innocentius eum dejiciendum esse à Praepositura decrevit, quod ut latius percipiamus, audiamus ipsum Innocentium relatum à Sireto fol. 53. qui Atrebatensi, Tornacensi, & Morinensi Episcopis in hac verba rescribit: [Cum illius vicem (licet immixti) getamus in terris, cuius virga regni esse dignoscitur æquitatis, delatas ad Apostolatus nostri nouitiam quæstiones sic nos convenit examinatis diligenter